

Baez Daih'it Haeuj Ndaw Yinzminz Daveidangz

第一次进入人民大会堂

□ Lij Luogzfaogb / 李龙芳

2017 nienz 3 nyied 3 hauh, Cunghgoz Yinzminz Cwngei Hezsangh Veiyi Daih Cibngeih Gaiq Daengx Guek Veijyenzei Daihhaj Baez Veiyi youq ndaw Baekging Yinzminz Daveidangz hoenghhum ciuhai lo. Gou caijsaq gig ndei, ndaej caeuq Cunghgoz Minzczuz Yijvwnz Fanhyiz Giz gyoengq lingjdauj caeuq doengz-saeh itheij haeuj Yinzminz Daveidangz bae dingqhoih, gig gikdoengh, siengj daengz haujlai haujlai.

Gizsaed, gou youq 2 hauh gyanghaemh couh sim'angq dwk fouzfap ninz ndaek, foek bae fan dauq, ndaw uk siengj: Seizneix Yinzminz Daveidangz caeuq gaxgonq siujyoz govvnz gou hag haenx doxbeij, bienqvaq lai lwi? Ngoenzcog gou yaek daenj maz buh bae? Dwg mbouj dwg yaek yawjraen haujlai vunzak vunzmaenh Moengz-moengz loengzloengz ninz ndaek lo, byonghhwnz singj hwnqdaeuq geij baez yawj cung, simgaenj muenghdeq ranzrongh. Ai! Baenzlawz lij caengz ranzrongh ne?

Ngoenz daihngeih, gou caeux-caeux couh cagaenj seizgan guh ndei gig hong ndaw fwngz. Gwn haeuxringz le, gou ganjgaenj aeu buh Boux-cuengh yaek daenj okdaeuq, angq-vauvau buet bae hawj gyoengq lauxsae, doengzsaeh yawj. Daihgya deng gig cingzangq gou yingjyangj, cungj doxciengj daeuq bang gou, bouxneix bang gou dangq buh, bouxhaenx ciq vacanghbinj hawj gou..... Sim gou raeujrubrub. Riengzlaeng, gou roengz laeuz, dap ci, itloh bae vunzlai cungj haenh buh gou ndeiawj, ndawsim gou gaej gangj miz geijlai angq lo!

Gou youq gwnz ci bouj ninz yaep ndeu, singj daeuq seiz, cingqngamj daeuq daengz Denh' anhmwnz Gvangj-

cangz. Mwhhaenx, mbwn gvengq-cagcag, rumz liengzsis, geizhoengz mbinyagyag, sojmiz cungj yiemzrwd youh miz cizsi. Dou ngamq roengz ci, couh miz gicej buet gvaqdaeuq yaek caijfangj gou, vanzlij gig mizsim iucingj geij baez dem. Ciuq mizgven gvidingh, gou vah'unq doi bae lo. Doeklaeng, gou caeuq gyoengq lingjdauj, lauxsae youq gig gingjsaek gyaundeix neix itheij ingj siengq. Ngoenzneix gvangjcangz vunz lai vunz daih, gyonjcomz le haujlai vunzak vunzmaenh. Ndit raeuj cik youq gwnz naj vunzlai, engqgya ingjok gyoengq-vunz naj ronghsagsag, cingsaenz gvaekgyaek. Gou ndang daenj buh Bouxcuengh, itloh byaij gvaqbae, vunzlai yawj gvaqdaeuq cungj haenh-cupcup, gicej, boux veijyenz Yangh-gangj, boux baengzyoux guekrog, boux doengzyieng Guengjsae daengj haujlai vunz cungj caeuq gou ingj siengq louzniemh, gijneix cungj hawj gou sim diemzswdswd, caencingq roxnyinh buh Bouxcuengh raeuz miznaj dangqmaz. Gou engqgya najriu najrongh, ndawsim siengj: Deng ha! Neix couh dwg gig yienghndei Boux-cuengh raeuz!

Baizdoi, genjcaz le, dou dauq-daej byaij haeuj Daveidangz it laeuz daihding, yienghyiengh cungj caez-cingj, migda ronghsag. Seizneix gou miz di gaenjcien, hoeng miz gyoengq lingjdauj caeuq lauxsae youq henz ndang, aensim dabsaed haujlai. Liz haimuq lij miz di seizgan, dou ingj siengq, cawx byuksaenq geiqniemh le, couh daezgonq bae hoihciengz naengh roengzdaeuq. Naengh youq gwnz dieгнаengh yiemzrwd sangrad neix, gou roengzrengz baujciz caemdingh, hoeng ndawsim senq lumj raemxlangh fanfoenfoen. Dingqnaeuz, ginggvaq

saekdi cingcoih le, Daveidangz mwhneix engqgya miz heiqseiq lo. Aen dieгнаengh dou youq it laeuz, dinggyaeuj dou daeng ronghlwenq, baihnaj dou dwg gyoengq veijyenz, liz dou loq gyae di dwg boux guekgya lingjdauj, gwnz ngeih, sam laeuz dwg gicej, gunghcoz yinzyenz daengj vunz naengh, caencingq dwg comz-gyonj gig vunz maenh'ak daengx guek gak dieg. Gou dwg lwgmbwk vunzgunnaz bingzciengz ndeu, ndaej caeuqfaenh dingqhoih, gamjgik dangqmaz!

Mbouj geij nanz, mwh ceiq gikdoengh simvunz daengz lo! Cienz-daej ndwn hwnjdaeuq ciengq goguek! Geijlai baez, diuz go neix hawj gou raemxda rim gvaengzda, hoeng gig raemxda gaxgonq cungj mboujyawx baezneix ndat. Lumjbaenz caenn dang ginglig, gig lizsij hoenx vunzdig gouq guekgya haenx mboujduenh youq ndaw uk gou yienh okdaeuq, geijlai lezsw lae lwed vutmingh, cij vih raeuz ceng' aeu ndaej benq diegdeih daihndei neix. Gaenlaeng baenghgauq aen dangj raeuz cingqdeng daiqlingx, ikfanh beixnuengx caezsim buekguh, guekcoj cij miz gig cingzcik hungmbwk ngoenzneix, gou cij ndaej ndwn youq aen dienh saenzsingq neix dingq diuz go gig gamjdoengh vunz neix. Ndawsim gou hix itcig yienghneix nyinhnaeuz, couhcinj aen guekcoj hungmbwk raeuz youq gwnz roen baenaj lij bungz daengz gak cungj hojnanz, lumjbaenz gig Vwnconh daih deihsaenq gig youqgaenj haenx; hix miz haujlai vwndiz beijlumj yawjbingh hoj, yawjbingh bengz daengj vwndiz, hoeng mbouj yungh miz saek di hozngeiz, mboujlwnh ginggvaq le geijlai hojnanz, guekcoj raeuz lij dwg aen guekgya hungmbwk ndeu, cibsam ik lai

beksingq cingqcaih vihliux gensez aen yendaiva guekgya ndeu haenqrengz buekguh. Ngoenzneix daengx guek yinzda daiqbiuj, cwnghiez veijyenz, vihliux gyaepgouz gig saedceij engqgya gyaundeix gvihaeuq daengx guek yinzminz de, gyonjcomz youq aen dienh saenzsingq neix, doengzcaez damqyaeng guekgya daihsaeh. Neix dwg aen saedceij hawj gou sim'angq fouzbeij ndeu! Gou giensaenq, guekcoj raeuz ngoenzlaeng itdingh engqgya fouqmiz giengzdaih!

Ngoenzneix, gou youq gizneix yawjraen duenh ginghdenj lizsij neix, roxnyinh gig miznaj. Youq ndaw Yinzminz Daveidangz gikcingz fanfwd-fwd. Gou dwg vunz Bouxcuengh, Bouxcuengh dwg guekcoj aen siujsoq minzczuz vunz ceiq lai ndeu, dwg gyoengqvunz gensez guekcoj ndawde bouhfaenh youqgaenj ndeu, couh wngdang gaenhwnj gig yamqdin seiz-daih, gamj roemx baenaj, caeuq guekcoj gak minzczuz yinzminz doengz-caez roemx baenaj. Biengzhoengh diuz go gyaundeix neix, itdingh miz gig sing' yaem ndeidingq Bouxcuengh!

Seizgan gvaq ndaej gig vaiq, haihoih sat lo, gou caeuq daihgya lizhai Daveidangz lo, hoeng gijneix cix mbouj caengz gietsat. Daih' it baez haeuj Yinzminz Daveidangz bae, gou youq mwh gaenjcien youh gikdoengh de lumjbaenz ndaej daj ndaw daengz rog swiq baez ndeu. Dangguh bouxcoz aen seizdaih hungmbwk seizneix, wngdang aeu engqgya roengzrengz bae rap hwnj gig rapnaek lizsij, mbouj ndaej doiswz. Gou ngoenzlaeng yaek baenzlawz guh hix gaenq cingcuq, couhdwg baez yamq baez yamq byaij, moix gienh saeh cungj roengzrengz guh ndei, mboujduenh sij ok biencieng moq!

Gij Gojgaeq Rumz

风的故事

□ Vangz Fungmingz / 黄凤明

Rumzcin oiqaem' aem, youq gyae dingqnyi gyoengqvunz heuh, couh guhmuengz buet ok daj baihdoeng daeuq, de seiqcawq cienz siusik seizcin, yungh fajfwngz swheij na noek raeujremh haenx dawz gyoengq-vunz daj ndaw nit geij okdaeuq, daihdeih fanhfaed ndaej doekseng boek ngeih haenx gyaenjaux de, rumzcin ndaej heiq, mbouj lau dwg-rengz youh dawz daihdeih ci ndaej moqyetyet bae.

Seizhah daeuq le, ndit ndongq-loulou, vunzraeuz mbwqmbat sim-fouz, daep doxraen couh cam: Yi, rumz ndot haeuj gizlawz bae liux? Rumz daeuq lo, gaex fwj deuz, ndaw fwj sup raemx, naekyoekyoek bae, rumz mbouj

lau baeg, baengh swheij rengz hung, gaem fwj youq ndaw fwngz, yungh rengz vaenj bae vaenj dauq, fwn doeklele, namh ro sup raemx gaeuq lo, daihdieg mbaeq lo, doenghgo mbaeq-mbat, ndaej swiq ndang seuq lo.

Seizcou, rumz daengz lo, mbouj dwg rumzcin unqswnh ciencien fanhfanh, hix mbouj dwg rumzhah yiedcingz yienh'ok. Rumzcou baez daeuq, gig mak cungj cug lo, feih hom cuenq youq ndaw heiq. Riengzmienh naek ndaej hwet gungj lo, najriu gyoengqvunz ndaw naz dajsou lwenq-da dangqmaz, diemz daengz ndawsim.

Seizdoeng menhmenh daeuq daengz, rumz ngoenz beij ngoenz nit lo, de hawj gyoengqduz ndaej ninz



Gyoengqvaiz langh diegnywj.

Vangz Swhcang ingi.

ndiu raez ndeu, hawj haujlai nonhah nyaenx mbouj ndaej nit dai bae. Gyoengqvunz gyanghaemh sim'onj youq ndaw ranz humx aen buenz danq byoq feiz, saz lwgmaenz, gangjgoj,

raeujrubrub.

Gij gojgaeq rumz bi dem bi cienzriuz, dangh mwngz dingqnyi gig gojgaeq rumz wnq, nyienh daeuq lwnh hawj caezgya dingq lwi?